

14. október 2020

Efni: Umsögn foreldraráðs Arnarsmára um starfsáætlun 2020-2021

Umsögn foreldraráðs:

Starfsáætlun og skóladagatal leikskólaársins 2020-2021 var kynnt foreldraráði í lok september 2020. Mikill samhljómur er með starfsáætlun og dagatali með þeirri stefnu sem skólinn hefur verið að vinna eftir undanfarin ár af miklum fagleika og ástríðu.

Mikill metnaður er lagður í alla starfssemi leikskólans og fylgir starfsfólk einkunnarorðum skólans sem höfð eru að leiðarljósi í starfinu, **frumkvæði, vinátta og gleði**. Einnig fer mikið fyrir stefnu sem skólinn vinnu einnig eftir og nefnist **Uppbygging sjálfsaga-Uppeldi til ábyrgðar**. Metnaður fyrir starfinu í Arnarsmára er mikill og skín í gegn áhugi og metnaður starfsfólks til að fylgja þeirri stefnu sem þau setja sér.

Stefna skólans fléttast mjög vel saman við alla starfssemi hans. T.a.m fá börnin tækifær; og hvatningu til að hjálpa sér sjálf og taka ábyrgð í hinum ýmsu kringumstæðum í samræmi við uppeldi til ábyrgðar. Dagskráin endurspeglar einnig stefnuna og einkunnarorðin um frumkvæði, vinátta og gleði en daglega fá börnin einmitt að velja sjálf hvað þau vilja gera einnig fá þau tækifæri til að leika í frjálsum leik. Vináttan fær einnig sinn sess en gott dæmi um notkun þessa einkunnarorðs er þegar vinalagið er sungið til einhvers sem er veikur með von um skjótan bata. Leikskólinn vinnur einnig markvisst að efla læsi og málörvun barnanna t.a.m með lestrinum og hvernig hann fer fram með samræðulestri þar sem börnin eru spurð út í efni bókarinnar og einnig tekna dýpri samræður um efni hverrar blaðsíðu eða myndirnar. Hér að fram eru einungis tekin örfá dæmi um hvernig leikskólinn vinnur sannarlega eftir sinni stefnu og það vel. Dæmin eru mýmorg og stendur skólinn sig frábærlega í sinni vinnu og stefnu.

Foreldrasamstarf í Arnarsmára hefur gengið mjög vel. Reglugerir tölvupóstar eru sendir á foreldra um hina ýmsu viðburði sem átt hafa sér stað eða eru framundan. Mikil áhersla er á að foreldrir upplifi að börnum sínum líði vel í leikskólanum og að kennurunum þyki vænt um þau. Vel er tekið á móti nýjum foreldrum og börnum og aðlögun barna er til fyrirmynðar. Allt eins og það á að vera.

Skólinn hefur undanfarna mánuði staðið sig mjög vel í skrýtnum aðstæðum með að halda öllum smitvörnum í lagi. Tekið er á móti börnum sínum úti á skólalóð á morgnanna og þau eru úti að leika og læra þegar þau eru sótt seinnipartinn. Í ljósi aðstæðna er ekki alveg vitað hversu mikinn aðgang foreldrar munu hafa að skólahúsnæðinu sjálfu en haldnir verðar foreldrafundir með einhverju móti. Aðgangur foreldra að kennurum skólans er og hefur ávallt verið mjög gott.

Starfsmannavelta í Arnarsmára hefur verið lítil undanfarin ár og í leikskólanum starfar góður og þéttur hópur kennarar sem sinna starfinu sínu af heilum hug. Sumir hafa verið frá opnun 7. janúar 1998.

Foreldraráð fagnar öllum markmiðum starfsáætlunar og leikskóladagatali 2020-2021 sem eru faglega unnin og gefa góð mynd af því frábæra starfi sem unnið er á hverjum degi í leikskólanum.

Skólinn hefur í öllu starfi lagt mikla áherslu á gott samstarf við foreldra og nemendur skólans og er einhugur meðal foreldra skólans hversu gott samfélag Arnarsmári er.

Fyrir hönd foreldraráðs Arnarsmára

Ragnhildur F.

Gunnhildur S.